

Nova seria: Lexicon Istoric Retic

■ **Il Lexicon Istoric Retic (LIR) è in'ovra cumplessiva che preschenta il svilup politic, economic, social e cultural da la Rumantschia e da tut il Grischun, e quai da la preistorgia fin al temp modern.** El cumpiglia bundant 3100 artitgels da famiglias, biografias, artitgels geografics e tematics. Il LIR furma ina part dal project naziunal «Lexicon Istoric Svizzer».

L'entir cuntegn dal LIR è accessibel online (www.e-lir.ch). Il december 2010 è cumparì l'emprim tom (A–L) da la versiun stampada; il segund tom (M–Z) vegn preschenta a la publicitad ils 27 da mars 2012. Mintga tom cumpiglia bundant 570 paginas cun 700 ma-

letgs e graficas, chartas e tabelas. La versiun stampada cumpara en la chasa editura Deseratina sco ediziun da cumissiun. Ins la po retrair sut www.casanova.ch u en mintga libreria.

En ina seria emnila preschenta La Quotidiana artitgels or dal vast fundus dal LIR. En cumplettaziun da la versiun digitala (cun funcziun da tschertga) e stampada (artitgels en successiun alfabetica) vegnan las contribuziuns preschentadas qua en in context tematic u geografic. La seria duai dar in'invista en la ritgezza dal LIR e far quaidas da scuvrir ulteriurs stgazis en la versiun digitala u stampada.